

Predikante Pensioenfonds



PENSIOENE OMSENDSKRYWE NR :1 van 2020

**AAN : ALLE WERKGEWERS EN LEDE VAN DIE PREDIKANTE
PENSIOENFONDS**

PENSIOENFONDSBYDRAES

In die verlede kon gemeentes/leraars slegs gedurende Maart van elke jaar bydraekategorieë wysig.

Met ingang van Maart 2020, kan gemeentes/leraars bydraekategorieë twee keer per jaar wysig, naamlik in Maart en September van elke jaar.

Die veelvoud van voordele bly dieselfde soos vir 2019. Dit is soos volg:

| Tipe voordeel | Voordeel betaalbaar |
|--|---------------------------------|
| Sterftevoordeel binne Fonds ("goedgekeurde" voordeel en wat belasbaar is by uitbetaling) | 4 x Pensioengewende salaris |
| Ongeskiktheidsinkomste | 75% van Pensioengewende salaris |
| Groepwensversekering ("nie-goedgekeurde" voordeel en wat belastingvry uitbetaal) | 4 x Pensioengewende salaris |
| Gadeversekering | 1 x Pensioengewende salaris |
| Enkelbedrag ongeskiktheidsversekering | 3 x Pensioengewende salaris |

Die premies vir bogenoemde voordele is soos volg: (teenoor 2019 se premies):

| Voordeel | Premies soos op 1 Maart 2019 | Nuwe premies miv 1 Maart 2020 (Persentasie van pensioengewende salaris) |
|--|-------------------------------------|--|
| Groepwensversekering (<u>begrotingsitem</u>) | 1,335% | 1,335% Werkgewer betaal 50% en lid betaal 50% |
| Gadeversekering (<u>begrotingsitem</u>) | 0,180% | 0,180% Lid betaal ten volle |
| Enkelbedrag ongeskiktheid (<u>begrotingsitem</u>) | 0,542% | 0,542% Werkgewer betaal ten volle |
| Ongeskiktheidsinkomste (nie begrotingsitem nie) | 1,230% | 1,230% |
| Sterftevoordeel binne die Fonds (nie begrotingsitem nie) | *1,690% | *1,581% |

* Die opvoedingsvoordeel wat laasjaar deel uitgemaak het van hierdie voordeel, verval en daarom is die persentasie minder. Waar daar 'n begrotingsitem aangedui word, beteken dit u moet die geld saam met die bydraes oorbetaal.

Pretoriusstraat 1200 Hatfield, 0083
Posbus 13528, Hatfield, 0028
E-pos : theo@pensioene.co.za;
Tel : 012 342 0415

'n Deelnemende Fonds aan die Sanlam Sambreelfonds

Bydraekategorieë vanaf 1 Maart 2020 vir werkgewers en werknemers (bly onveranderd):

| | Bydraekategorie | | | | | | |
|-------------------------|-----------------|-----|-------|-----|-------|-------|-------|
| | 1 | 2 | 3 | 4 | 5 | 6 | 7 |
| Werknemer-bydrae | 4,2% | 5% | 6,1% | 7% | 7,5% | 7,5% | 7,5% |
| Werkgewer-bydrae | 9,3% | 10% | 11,4% | 13% | 15% | 17,5% | 20% |
| Totale bydrae | 13,5% | 15% | 17,5% | 20% | 22,5% | 25% | 27,5% |

LET ASSEBLIEF DAAROP dat al die maandelikse bydraes en/of premies agteruit betaalbaar is, dit wil sê die verhoogde bydraes en/of premies is betaalbaar einde Maart, geldig vanaf 1 Maart. Dit is baie belangrik om daarop te let dat die bydraes laastens teen die 7de van die maand wat volg op die maand waarvoor die premies betaalbaar is, inbetaal moet wees. Die Pensioenfondswet vereis dit. Indien dit na die datum inbetaal word, sal daar rente op die laat betaling van die bydraes gehef word teen 'n rentekoers soos bepaal deur die Wet.

Alle gemeentes/leraars het die keuse om miv 1 Maart 2020 hul pakkette te struktureer, gegewe enige verhogings volgens die jongste vergoedingsriglyne. Hierdie riglyne is by u sinode beskikbaar.

Die Fonds se operasionele koste

Omdat hierdie kantoor baie navrae kry oor die administrasie, konsultasie en ander kostes verbonde aan die bedryf van die Fonds (soos dit op die *retirementfundweb* beskikbaar is) gee ek graag hierdie koste ook aan u. Hierdie kostes word volgens wet van die werkgewer se bydraes. (Hierdie is nie 'n begrotingsitem nie):

| Komponent | Premie/koste vir 2019 | Premie/koste vir 2020 |
|---|------------------------------|------------------------------|
| Sanlam Administrasie | 0,1816% | 0,1816% |
| Konsultasie | 0,1362% | *0,1262% |
| Gebeurlikheidsreserwe rekening heffing ("CRA levy") | R3,00 per lid per maand | R3,00 per lid per maand |

* Volgens ooreenkoms, is die konsultasiefooi verminder omdat die Fonds se beleggingskonsultant ook vergoed word. Hierdie bedrag word nie uitgedruk as 'n persentasie van salaris nie maar wel as 'n persentasie van bates.

Korrektheid van data en begunstigde benoemingsvorms

Saakgelastigdes/skribas by gemeentes wat gelas is met die oorbetalings van maandelikse bydraes en premies op die web, moet asseblief verseker dat hul leraars se persoonlike besonderhede op die web korrek is aangesien hulle by magte is om dit te verander. Dit is krities belangrik dat leraars se selfoonnommers en e-posadresse op die web aangebring word aangesien dit in die toekoms 'n belangrike manier gaan wees om elektronies, direk met leraars te kommunikeer. Daar kan ook miv Oktober 2018, begunstigde benoemingsvorms direk op die web gelaai word, maar dan moet die leraar self dit doen nadat hy/sy op die web geregistreer is. Dit sou tog raadsaam wees om steeds 'n harde kopie van hierdie vorm by u kantoor op leër te hou. (Indien u navrae oor die web het, skakel gerus die webspan by 0861 223 646).

Beleggingsopbrengs

Lede wat reeds op die web geregistreer is en hul fondswaardes noukeurig dophou, sou gemerk het dat die Fonds se beleggingsopbrengs heelwat beter was as gedurende 2018.

Die *Accumulation Portfolio* waarin die meeste lede wat onder 60 is belê is, het byvoorbeeld vir 'n twaalf maande tydperk tot einde Desember 2019, 'n goeie 12,2% presteer. Lede wat egter nader aan aftrede is en in die meer konserwatiewe portefeulje belê is, het ook relatief goed presteer. Die *Lifestage Capital Protection Preservation Portfolio* het byvoorbeeld 'n goeie 7,1% vir die twaalf maande tot einde Desember 2019 presteer.

Jonger lede se fondswaardes het dus heelwat verbeter terwyl ouer lede se kapitaal beskerm was en steeds groei gekry het.

Die Bestuurskomitee van die Predikante Pensioenfonds is steeds gemaklik dat die lewensiklusmodel van beleggings die beste uitkomst vir lede op die langer termyn bied. Ons vertrou dat 2020 nog beter beleggingsopbrengste sal bied.

Die Kantoor

Let asseblief daarop dat die pensioenfondskantoor miv 1 Maart 2020 by NG Lynnwood gehuisves sal wees. Nuwe kontakbesonderhede sal aangestuur word sodra bekend.

Vriendelike groete

(Geteken)

TP SMITH
KANTOORBESTUURDER